

## OKVIRNI SPORAZUM

Ovaj Okvirni sporazum zaključen je između:

**Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, ID broj 200174570004, PDV broj 4200174570004, koju zastupa generalni direktor prim.dr. Milan Mioković (u daljem tekstu: **ugovorni organ**)

i

**Djeem trans doo Sarajevo**, sa sjedištem u Sarajevu, ulica Drinska broj 144, ID broj 4200150630006, PDV broj 20015066300, kojeg zastupa Emir Hrbat (u daljem tekstu: **ponuđač**).

Strane u Okvirnom sporazumu saglasno konstatuju:

- da je ugovorni organ u skladu sa Zakonom o javnim nabavkama BiH ("Sl. glasnik BiH" br. 36/14), proveo otvoreni postupak sa predmetom javne nabavke za usluge malog i velikog servisa, vulkanizerskih usluga i nabavke rezervnih dijelova za vozila ugovornog organa, sa ciljem zaključivanja okvirnog sporazuma sa jednim ponuđačem na tri godine;
- da je ugovorni organ donio Odluku o dojeli ugovora broj 01-03-4294-3/15, od 07.07.2015., u skladu sa kojom se zaključuje ovaj okvirni sporazum između ugovornog organa i ponuđača;
- ovaj Okvirni sporazum ne predstavlja obavezu ugovornog organa na zaključivanje ugovora o javnoj nabavci;
- obaveza nastaje zaključivanjem pojedinačnog ugovora o javnoj nabavci na osnovu ovog Okvirnog sporazuma.

Strane u Okvirnom sporazumu sporazumjele su se o sljedećem:

### PREDMET OKVIRNOG SPORAZUMA

#### Član 1.

Na osnovu provedenog otvorenog postupka javne nabavke za izbor najpovoljnije ponude za nabavku usluga održavanja i servisiranja (mali i veliki servis), vulkanizerskih usluga i nabavke rezervnih dijelova za vozila ugovornog organa uz zaključivanje okvirnog sporazuma sa jednim (prvorangiranim) ponuđačem na vremenski period od tri godine, prema javnom pozivu objavljenom na Portalu E-nabavke Obavještenjem broj 29-1-2-25-3-25/15 od 04.06.2015. godine, Odlukom o izboru najpovoljnijeg ponuđača broj 01-03-4294-3/15, od 07.07.2015. g. odabrana je ponuda ponuđača Djeem trans doo Sarajevo kao najpovoljnija, u skladu sa uslovima i kriterijumima utvrđenim Tenderskom dokumentacijom.

## **VAŽENJE OKVIRNOG SPORAZUMA**

### **Član 2.**

Okvirni sporazum sklapa se na tri godine, za koji period će potpisnici ovog sporazuma zaključiti tri pojedinačna ugovora o vršenju usluga.

Obaveze za potpisnike ovog Okvirnog sporazuma nastaju tek zaključivanjem pojedinačnih ugovora o vršenju predmetnih usluga

Pojedinačni ugovori obavezuju ugovorne strane za cjelokupno vrijeme njihovog trajanja.

### **Član 3.**

Na godišnjem nivou planirana sredstva iznose maksimalno 90.000,00 KM sa uračunatim PDV-om.

Jedinične cijene iskazane su u ponudi Ponuđača.

## **NAČIN I USLOVI ZAKLJUČIVANJA POJEDINAČNIH UGOVORA**

### **Član 4.**

Prvi pojedinačni godišnji ugovor zaključiće se na osnovu Okvirnog sporazuma, u svemu prema uslovima iz ponude broj OP 08/15, dostavljene od strane ponuđača Djeem trans doo Sarajevo, koja je u provedenom predmetnom otvorenom postupku javne nabavke odabrana kao najpovoljnija, za usluge koje će biti utvrđene od strane ugovornog organa na osnovu Tenderske dokumentacije.

### **Član 5.**

Ostali godišnji ugovori, sačinice se uz predhodno dostavljanje pisanog zahtjeva za dostavljanje ponude od strane ugovornog organa sa navedenim rokom dostavljanja ponude, kojim će biti dostavljeni uslovi, kriteriji i specifikacije ugovorenih usluga, u skladu sa javnim pozivom. Ponuđač Djeem trans doo Sarajevo je dužan na dostavljanje nove ponude u skladu sa uslovima iz Okvirnog sporazuma.

### **Član 6.**

Ugovorni organ će pisanim putem obavijestiti o prihvatanju nove ponude za zaključivanje pojedinačnog ugovora o nabavci usluga, dostavljanjem nove odluke o izboru ponude.

### **Član 7.**

Ukoliko ponuđač Djeem Trans doo Sarajevo, ne dostavi ponudu za zaključivanje pojedinačnog ugovora o nabavci usluga, ugovorni organ nije dužan sa istim zaključiti pojedinačni ugovor o nabavci usluga, za sljedeći period isporuke.